



27. september 2012

Inatsisartut Suleriaasianni § 37 naapertorlugu matumuuna imaattumik Naalakkersuisunut apeqquteqarpunga:

- 1. Angallassinermut kiffartuussinissamik isumaqatigiissummi qanoq ililluni ukiuunerani Ittoqqortoormiit nioqqutissanik pilersorneqarnissaa qulakkeerneqarpa?**
- 2. Nangillugu apeqqutigissavara isumaqatigiissut malillugu inuusutissanik assartuinermit kiilumut akigitinneqartartoq allangussanersoq?**
- 3. Qanoq ililluni isumaqatigiissummi qulakkeerneqarsinnaava Ittoqqortoormiit-nut takornariartitsisarnerit ingerlanerliulinnginnissaat?**
- 4. Piffissap qanoq ilinerani Ittoqqortoormiit-ni takornariartitsinerit nalliuteruttoria eqqartorneqartoq inissinniarneqarpa?**
- 5. Ittoqqortoormiit-ni innuttaasunut kiffartuussinermi isumaqatigiissummut isornartuusoq tassaavoq Tasiilamukarniarnermi nunatta Kitaanut, Sermersuaq qulaallugu aqut takisooq atoqqaarlugu aatsaat apuutoqarsinnaanera. Qanoq akeqassava timmisartorneq Keflavik-Tasiilaq-Nerlerit Inaat atuutilersinneqarpas?**
- 6. Nunap immikkoortuini peqqinnissaqarfiit pilersinneqarnerisa nassatarivaa Ittoqqortoormiit-ni peqqinnissaqarfikkut qitiusoq aammalu Tasiilami Napparsimavik qanimut suleqatigiilersimanagerat, ilaatigut Kigutit nakorsaat aamma kigutigissaasoq Tasiilami Ittoqqortoormiormiut kiffartuukkiartortarlugit aammalu Tasiilap Napparsimavianinngaanniit nivarsiamit juumuumillu kiffartuunneqarlutik. Tunumi timmisartuussisarnerit allangornerisigut Ittoqqortoormiit-ni innuttaasut kiffartuunneqarnerat siunissami qanoq isikkoqassava?**

(Inatsisartunut ilaasortaq Juliane Henningsen, Inuit Ataqatigiit)

Tuungavilersuut

Aningaasaqarnermut Ataatsimiititaliap nunatta immikkoortuisa ilaanni ilaasunik angallassinermut kiffartuussinissamik isumaqatigiissutaasup atuuffissaata sivitsornissaa akuersissutigeqqammerpaa, ilaatigut Qaanaap Ittoqqortoormiit-lu timmisartuussiffiqeqartarneranik nutaamik pilersitsinikkut. Tamanna Itoqqortoormiit-ni innuttaasunit annertuumik akerlerineqarpoq, Itoqqortoormiit-nut tassanngaanniillu attaveqarnerit, oqaatigilluaannarlugu mumisinneqarluinnarmata. Uannut soqutiginaruuvoq tamakkiisumik paasisallugu Tasiilap Ittoqqortoormiit-lu timmisartuussisarsimanagerup piginnarnissaa qanoq akeqarnersoq, tassami illoqarfiit taakku ilaqutariissutsikkut kulturikkullu ataqatigiilluurtuummata.